



Canllaw i ganlyniadau CBAC TGAU

Cyfres Mehefin 2019
Cyfres Tachwedd 2019
Cyfres Ionawr 2020

Cynnwys

1. Diwrnod y Canlyniadau	3
i) Casglu Canlyniadau Arholiadau	3
ii) Beth i'w ddisgwyl	3
iii) Sut mae'r slip yn dangos y canlyniadau?	3
iv) Symbolau a ddefnyddir ar slip canlyniadau	3
2. Deall eich canlyniadau	4
i) Esbonio graddau	4
ii) Esbonio marciau.....	4
iii) Sut mae marciau'n cael eu trosi'n raddau?	4
3. Ffiniau Graddau.....	5
4. Beth i'w wneud os yw ymgeisydd am wneud ymholiad am ganlyniad	5
5. Pryd bydd tystysgrifau ar gael?	6
Atodiad 1 – Enghraifft o slip canlyniadau TGAU.....	7

1. Diwrnod y Canlyniadau

i) Casglu Canlyniadau Arholiadau

Rhaid i ymgeiswyr gasglu eu canlyniadau arholiadau o safle eu hysgol neu goleg (canolfan), fel arfer ar y Diwrnod Canlyniadau swyddogol.

Cyhoeddir canlyniadau cyfres Mehefin 2019 **ddydd Iau 22 Awst 2019**.

Cyhoeddir canlyniadau cyfres Tachwedd 2019 **ddydd Iau 16 Ionawr 2020**.

Cyhoeddir canlyniadau Ionawr 2020 **ddydd Iau 5 Mawrth 2020**.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, wirio â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

ii) Beth i'w ddisgwyl

Ar ddiwrnod y canlyniadau, bydd ymgeiswyr yn derbyn darn o bapur gyda'u canlyniadau arno. Os yw ymgeiswyr wedi sefyll cymwysterau gyda byrddau arholi gwahanol, gallan nhw dderbyn mwy nag un slip canlyniadau, neu gall yr ysgol neu goleg greu un slip sy'n dangos yr holl ganlyniadau gyda'i gilydd.

Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft, yn dilyn Adolygiad o'r Marcio neu'r Cymedroli.

iii) Sut mae'r slip yn dangos y canlyniadau?

Bydd slipiau canlyniadau yn dangos canlyniadau ymgeisydd ar gyfer y pynciau a gymerwyd yn ystod y gyfres arholiadau honno.

Bydd canlyniadau'n cael eu cyflwyno'n wahanol yn ddibynnol ar p'un a yw'r cymhwyster yn unedol neu'n llinol. Gweler adran 2 isod.

Ar gyfer cymwysterau unedol, bydd canlyniadau'n dangos marc GMU a gradd gyffredinol ar gyfer y pwnc, ar yr amod fod y pwnc wedi'i gyfnewid i'w agregu, yn ogystal â marc unffurf (GMU) a gradd ar gyfer pob uned. Os disgwylir gradd gyffredinol nad yw wedi'i chynnwys ar y slip canlyniadau, dylid cysylltu â'r Swyddog Arholiadau yn y ganolfan i wirio bod cofrestriad cyfnewid wedi'i wneud.

Ar gyfer cymwysterau llinol, bydd canlyniadau'n dangos y radd gyffredinol ar gyfer y pwnc. Bydd y marc ar gyfer cydrannau unigol i'w weld hefyd.

iv) Symbolau a ddefnyddir ar slip canlyniadau

Yn ogystal â graddau a marciau, gall slipiau canlyniadau gynnwys symbolau eraill:

Mae X yn dangos nad yw canlyniad yn cael ei gyhoeddi oherwydd absenoldeb ymgeisydd o bob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae Q yn dangos bod canlyniad i ddod neu ddim ar gael ar hyn o bryd.

Rhoddir y dangosydd hwn nesaf i'r radd gyffredinol os yw'r ymgeisydd wedi cwblhau gwaith ar gyfer rhai, ond nid pob un, o gydrannau neu unedau'r pwnc.

Gweler atodiad 1 am enghraifft o Slip Canlyniadau.

2. Deall eich canlyniadau

i) Esbonio graddau

Adroddir graddau pynciau gradd unigol fel A*- G (gradd A* yw'r uchaf).

Adroddir canlyniadau TGAU Dwyradd ar raddfa 15 gradd. A*A* yw'r uchaf a GG yw'r isaf: A*A*, A*A, AA, AB, BB, BC, CC, CD, DD, DE, EE, EF, FF, FG, GG. Y radd uchaf sy'n ymddangos gyntaf ar y rhestr bob amser. Bydd ymgeiswyr y mae lefel eu cyrhaeddiad yn is na'r safon isaf sy'n ofynnol yn derbyn canlyniad annosbarthedig (U).

Adroddir graddau cyrsiau byr TGAU fel A*-G.

ii) Esbonio marciau

- **Marciau crai**

Mae cyfanswm marciau crai yn cael ei ddyrannu i bob uned neu gydran.

- **Graddfa Marciau Unffurf (GMU).**

Mewn manylebau **unedol** mae marciau crai yn cael eu trawsnewid yn farc unffurf (GMU) sy'n cael ei ddefnyddio fel dyfais ar gyfer adrodd, cofnodi ac agregu canlyniadau asesu unedau/cydrannau ymgeiswyr. Mae rhagor o wybodaeth ynghylch GMU ar gael fel dogfen ar wahân yma – [TGAU](#), ac mae manylion sut i drosi marciau crai yn farciau GMU ar [ein gwefan](#) (gwybodaeth ar gael o ddiwrnod cyhoeddi'r canlyniadau).

iii) Sut mae marciau'n cael eu trosi'n raddau?

- Mewn cymwysterau llinol, mae nifer penodol o farciau crai i bob cydran/uned. Fodd bynnag, gall cydrannau/unedau o fewn cymhwyster fod â phwysoli gwahanol. Mae ffactor pwysoli (y cyfeirir ato hefyd fel ffactor agregu) yn cael ei gymhwyso wrth gyfrifo cyfanswm y marciau. Mae pwysoli yn esbonio pam nad yw'r marciau crai ar gyfer cydrannau/unedau unigol bob amser yn adio i gyfanswm y marciau ar gyfer y cymhwyster. Gellir cyfrifo'r marc pwysol ar gyfer pob cydran trwy luosi'r marc crai ar gyfer cydran/uned â'i ffactor pwysoli.
- Yn y cymwysterau unedol, cyfrifir gradd gyffredinol y cymhwyster gan adio'r marciau unffurf a enillwyd yn yr unedau unigol at ei gilydd. Mae hyn yn rhoi cyfanswm marciau unffurf i'r ymgeiswyr sy'n trosi yn radd gyffredinol yn seiliedig ar ffin y radd.

3. Ffiniau Graddau

Ffiniau graddau yw'r nifer isaf o farciau sydd eu hangen i ennill pob gradd. Er bod papurau arholiad yn cael eu hysgrifennu i'r un lefel o anhawster, maen nhw yn amrywio bob blwyddyn. Mae ffiniau graddau yn sicrhau bod myfyrwyr yn derbyn yr un radd ar gyfer yr un lefel o berfformiad, pryd bynnag caiff yr arholiad ei sefyll.

Ffiniau graddau ar gyfer cymwysterau unedol

Mae ffiniau graddau GMU yn aros yr un fath bob blwyddyn gan nad yw ystod canrannau marciau GMU a ddyrennir i radd benodol yn newid. Mae ffiniau graddau GMU yn cael eu cyhoeddi ar lefel y pwnc a'r uned yn gyffredinol.

Ffiniau graddau ar gyfer cymwysterau llinol

Gyda phynciau llinol dyfernir un radd am y pwnc yn gyffredinol, yn hytrach nag ar gyfer pob cydran/uned sy'n cyfrannu tuag at y radd gyffredinol. Cyhoeddir ffiniau graddau ar ddiwrnod y canlyniadau.

Mae'r ffiniau graddau 'tybiannol' ar gyfer pob cydran hefyd ar gael. Mae ffiniau graddau yn 'dybiannol' a bwriedir iddyn nhw fod yn arweiniad yn unig, nid graddau swyddogol ydyn nhw. Gallai ffiniau graddau tybiannol newid rhwng un gyfres ac un arall.

Ar Ddiwrnod y Canlyniadau, bydd yr holl Ffiniau Graddau Llinol ac uchafswm y marciau ar gael ar ein gwefan o 8am. Nid yw ffiniau GMU unedol yn newid o gyfres i gyfres. Mae Ffiniau Graddau i'w gweld ar ein [gwefan](#).

4. Beth i'w wneud os yw ymgeisydd am wneud ymholiad am ganlyniad

Mae'n bwysig bod ymgeiswyr yn trafod unrhyw bryderon â'u hysgol neu goleg, swyddog arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewnl na rhieni wneud cais. Gall ymgeiswyr preifat gysylltu'n uniongyrchol â Gwasanaethau Ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- **Dychwelyd sgrïptiau** – fersiwn electronig o'r sgrïpt, naill ai fel copi blaenoriaethol cyn gwneud cais am adolygiad o'r marcio neu fel gwasanaeth nad yw'n flaenoriaethol ar gyfer dysgu ac addysgu. Bydd y sgrïptiau TGAU Saesneg Iaith (3700U20-1 / 3700U30-1) a TGAU Cymraeg Iaith (300N20-1 / 300N30-1) (heb eu hanodi) ar gael yn rhad ac am ddim i'w llwytho i lawr o'n gwefan ddiogel.
- **Ailwiriad clerigol** – ailwiriad o'r holl weithdrefnau clerigol sy'n arwain at gyhoeddi canlyniad yw hwn.
- **Adolygu'r marcio ar ôl y canlyniadau** – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir

- [Adolygiad o'r cymedroli ar ôl y canlyniadau](#) – noder nad yw hwn ar gael ar gyfer ymgeiswyr unigol

Am fanylion pellach yn cynnwys ffioedd a dyddiadau cau, edrychwch ar ein tudalen [Gwasanaethau ar ôl y Canlyniadau](#) a'r wybodaeth a gyhoeddir gan y CGC, sydd i'w gweld [yma](#).

Mae'n bwysig nodi y gall marciau aros yr un fath, neu godi neu ostwng, wrth wneud cais am ail-wiriad clerigol neu adolygiad o farcio. Felly, **rhaid** i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a fydd yna'n trosglwyddo'r wybodaeth i'r ymgeiswyr. Os yw ymgeisydd preifat wedi gwneud cais uniongyrchol i CBAC, bydd y canlyniad yn cael ei gyhoeddi iddo/i. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol**

5. Pryd bydd tystysgrifau ar gael?

Anfonir tystysgrifau cyfres Mehefin i ganolfannau erbyn 7 Tachwedd a ddim hwyrach na 10 wythnos ar ôl cyhoeddi canlyniadau ar gyfer cyfresi eraill.

Dylai ymgeiswyr wirio bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. Rhaid i Swyddogion Arholiadau hysbysu CBAC yn ysgrifenedig am unrhyw wallau, yn ddim hwyrach na 9 Medi (cyfres Mehefin), 31 Ionawr (cyfres Tachwedd) neu 31 Mawrth (cyfres Ionawr). Os na fydd gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr wirio'r trefniadau ar gyfer derbyn eu tystysgrifau gyda'u hysgol neu goleg.

Atodiad 1 – Enghraifft o slip canlyniadau TGAU

I bynciau unedol, dangosir marc GMU pob uned, a dangosir cyfanswm GMU y pwnc mewn print trwm.

I bob pwnc, dangosir marc crai pob uned neu gydran a dangosir y cyfanswm marciau sydd ar gael mewn cromfachau.

wjec cbac		CRYNODEB O'R CANLYNIADAU		TGAU MEHEFIN 2019	
RHIF Y GANOLFAN 68999	ENW'R GANOLFAN CANOLFAN BRAWF				
RHIF YR YMGEISYDD 01234	ENW'R YMGEISYDD ENW CYNTAF CYFENW			DYDDIAD GENI 01/01/02	
UCI YR YMGEISYDD		ULN YR YMGEISYDD			
CYMRABEG IAITH	QUALIFICATION	GMU	Papur	Marc	Gradd
	3000CS		51:UNED 1 - LLAFAR	007 (080)	F
			52:UNED 2	041 (070)	
			53:UNED 3	015 (070)	
ASTUDIAETHAU CREFYDDOL UNED 1	UNED1B ISLAM	3120NB 078	52:UNED1B ISLAM	039 (126)	d
ASTUDIAETHAU CREFYDDOL CWRS BYR	CYFNEWID	3125CT 078			D
MATHEMATEG	HAEN SYLFAENOL	3100LF	51:UNED 1 SYLFAENOL	031 (065)	E
			52:UNED 2 SYLFAENOL	035 (065)	

I bynciau unedol, dangosir codau pwnc ac uned ar gyfer pob cymhwyster, a dangosir codau pwnc wedi'i arddangos mewn print trwm.

Mae graddau uned yn cael eu harddangos fel llythrennau bach, gyda graddau cymhwyster cyffredinol yn ymddangos fel priflythrennau mewn print trwm.